

改刻漫游雜記序

夫事應時而變，術臨機以制，是故鑿之於技，非踐其實地，而會諸意象，則不能充諸實用，而適其機宜。苟不能適其機宜，雖誦充棟之書，縱炙轂之辨，未免爲腐散齷齪之徒也。當其臨實地，圓鑿方柄，刻肱膠柱，誤其機會，而取悔咎也必矣。譬之兵法，其書雖存，其術雖傳，苟泥其跡、拘其局，膠固偏塞，不能參諸活處者，終不能察必勝於未然。故孫吳以下說兵者，不啻數十家，自達者觀之，要皆苴餘也已。然則事任其才略已乎？曰：否。機算診候，誰能生而知之？子房不遇黃石，不得立決勝之功矣；越人不見長桑，不能成起死之名矣。是以計略活機，不本乎古，唯心是師。則猥戰妄治，其亦有甚於圓鑿方柄、刻肱膠柱者矣。故善行其術者，能體其真機，而不泥其跡；會其活處，而不拘其局，馳驅縱橫，離範合範，如是而後，始可謂善學古者焉矣。吾亡兄獨嘯庵先生有見乎是也，乃學古而驗今，得今而徵古，事事踐其實地，而期諸實用，嘗漫遊四方，試斯技者，十有餘年。其間所歷瑣言細事，苟涉於治術者，匯而錄之，名曰《漫遊雜記》。先生固非以此爲後學之模範，游涉之次，觸意隨事以爲編者，乃亦其苴餘也已。然其所志業已如是，則於學斯技者，亦不無小補矣。若夫臨事應變，遇物邀時，會諸意象而適其機宜，背水以一我死心，縋厓以出彼不意，則在乎其人善得之已。往者寶曆癸未之夏，吾儕謀梓斯書，然當時先生偶在病蓐，不能細校訂之，遂行于世矣。其愈也，手自點竄，以爲定本，姪道遠藏其本久矣。頃將改刻之，余因述所嘗聞於先生，以爲之序云。

寬政九年丁巳秋八月弟長府教授兼鹽員小田泰亨叔謹誌于菁莪園中

漫游雜記序

癸未之夏，獨嘯庵先生所撰《漫遊雜記》成矣。魯謹閱覽其書，請梓之，先生乃曰：「已矣，已矣！天下有一定之法，而無一定之病，危哉，吸吸乎！女將以有定之法，待無定之病歟？」魯應之曰：「匪道弘人，人能弘道。斯人而斯道存，斯道而斯言出，斯言出而不朽，則豈亦知來者之不可追乎？」先生可，迺爲之序。曰：古人有言，云古人之糟魄已矣。嗟嗟否歟？味哉，彼其言道，可謂盡矣。夫天地之廣，品類之夥，四民百伎之繁滋，有物有則，物待則以行，則待人以成，則成於一，從物於萬，綜之謂之道。道之於物，小而無內，大而無外，有數存于不存，有機動于不動。於是乎，文字之不可以形，言語之不可以傳，固矣。故人之志道，要先體其真，要之有方，要不得方，毫髮千里，其真耗焉。其真既耗，古先之籍，百家之言，一無不救經引足者。若夫得方，則蕩蕩之言，尚可擇焉。耳之聞，目之見，左右皆真。左右皆真，而後曰古曰今，渾然二而一。二而一，而後未始有法之可體，亦未始不有法之可體也。此之謂道之真。嗚乎！真乎難知，必也在向方之始焉矣。醫亦道之分也，乃方乃真，乃存於其人，知醫之有真，而從其難乎方者，即其人也。《漫游雜記》，言方之書，而真之隨存景響，爰刊公世，世讀此書，眩真者，必曰「是神其言耳」，內省則疚，未足盡先生。惑方者，必曰「言方則是，醫豈必方？」，未足盡先生。學方不罔，思真不危，徵諸事實，反求諸己，而後能知其方猶真，真猶方。方之與真，不可岐而爲二者，其庶幾耶？非耶？

寶曆十三年癸未夏五月

門人 北筑龜井魯道載謹撰

漫游雜記卷之上

長門 永富鳳朝陽 著

姪 松士藏道遠 校

藤元幹隆昌 訂

凡欲學古鑿道者，當先熟讀《傷寒論》而後擇良師友事之，親試諸事實，若五年若十年，沈研感刻不休，則自然圓熟也。而後取漢唐以下之鑿書讀之，則其信妄良窳，猶懸明鏡而辨妍媸也。不然則雖讀盡億萬卷之書，要無益于術焉。唐明皇使畫士韓幹畫馬，先觀御府所藏畫馬。幹曰：「不必觀也。陛下殿馬萬匹，皆臣之師也。」又宋·魯無疑，工畫草蟲，年邁逾精。羅大經問其「有所傳乎？」，無疑笑曰：「是豈有法可傳哉？某自少時，籠蟲草而觀之，究晝夜不厭，又恐其神之不完也，復就草地間觀之，於是乎始得其天。」此二人之言，可以爲學鑿之元龜矣。

何謂古鑿道？通本也。何謂通本？有病者于此，鑿能望其色、聞其聲、問其證候、審其經歷、診脈按腹，知是爲某疾，而後又能測其可大黃、可石膏、可人參、可附子、可大劑、可小劑以處方，乃其方約而中，古之術也。是故診候差失，則其病不愈，不可不精察也，不可不審鑿也。至其機會之微，斷毫髮於心手之間，則神遇妙契，不可言而諭也，不可筆而傳也，唯在乎其人勤勉以得之已。近世稱古鑿道者，率皆不學之徒，殊暗天地之理，所言所行，牽強附會，多矯枉過直、惡咽絕食之類矣。或

曰「論症不論因」，或曰「藥無寒熱」，是豈古之義哉？嗚乎！聞之則彰彰，施之則潰潰，遂使世人謂古鑿道有害於世，豈可不慨嘆乎？

治療之道二端：曰「持重」，曰「逐機」。所謂持重者，病深則治一，非迂遠而過日也。所謂逐機者，證移則輒隨，非迷惑而轉方也。持重者，常也；逐機者，變也。勿能逐機而失於持重焉，勿務持重而忽於逐機焉。

今世學古鑿道之徒，事師僅不過一二年，其中未有所得，飛翻歸家鄉，偶遭遇順境，痊得痼疾數人，則振拔自豪，以爲人無復我加矣。遂侮弄甘遂、巴豆，誤治誤人，驅隨迤邐，則遽若老狗貓兒，垂首搖尾，乞憐於朝市之人。從前集毒之藥裹，翻爲養榮益氣之棲宅。何其無特操也！

凡百技始乎巧，終於拙。出乎思，入於不思。故巧思極則神妙，神妙則自然。自然者，不可以巧思得，不可以歲月到；不可離巧思而得，不可外歲月而到。

夫學古鑿道者，運思於《傷寒論》，以病者爲師，曲盡其變態，則萬病之情狀，秩然於胸裏。夫然後可以儼未萌、治未病。今之鑿者則不然，巧思不熟，規輒不定，病者至前始摸索焉。不亦晚乎？

從事於古鑿道者，其人勢利不集於心，則亦未必多讀書，枕一《傷寒論》足矣。

世鑿動謂：「《傷寒論》之於外邪，天下無以尙焉；至于雜病，則未必然。」嗚乎！昇昇哉！夫傷寒有萬病，萬病有傷寒，迴互參究，始可能治傷寒，亦始可能治萬病。故《傷寒》之爲書，極證之變化以盡其治方，萬病自顯列其中。乃雖雜病，亦豈有尙焉者乎？是以學者苟能研究底蘊，一握驪珠於此中，則治術之大本自立，而《千金》、《外臺》、宋、元、遼、明之瑣言、家說，亦皆爲我使用。猶正統一定，則九夷八蠻，悉奉其正朔也。

《冷齋夜話》曰：龍舒太平寺，有日者，能課。凡爲市井尋常課，則莫不奇中；爲達官權貴課，則皆無驗。或問其故，答曰：「我無德量，見尋常人，則據術而言，無所緣飾；見權貴人，則畏怖，往往置術之實，而務爲諛詞，其無驗，要不足怪矣。」噫！彼挾奇譎幻怪、欺世誣人者，尙能自知非如此。今世之鑿，其心多不潔，而希其技之精妙，猶求向西見東也。豈非不自省之甚乎！

扁鵲曰：「越人能知可起者起之。夫諸不治之病，雖攻之百端，終無益。」故余以能知死者與不治者，爲鑿流之第一義諦。能知死者，而後能知不死者。能知不治者，而後能知治者。鑿之能事畢矣。

英雄隱于鑿卜，固有故矣。夫鑿卜者，無素封者之素封也。身非王侯，而適如可以自行意焉矣。

家苟無產業，有父母且老，則雖剛明俊傑之士，亦不得高臥養志也。故曰「不擇祿而仕」。而較之夫出處進退必以其時者，判然有間矣。余多觀當世聰辨之士，或老于講官，或困于舌耕，鬱鬱不樂者，無它，不慮諸其初也。

痢病初發，尤可鄭重發汗，諦視毒氣集胃中，而後可與大小承氣也。

傷寒二三日，脈沈數，虛里如奔馬，或心下痞鞭者，後多爲大患。

余年二十一，往越前見奧村翁，受吐方。翁年六十八，曰：「吾二十爲醫，知有子和氏，而試汗吐下，技拙人不信。欲已三，不能已。年迨六十，始見允於越南北人。今又八年，吾子千里來見我，我事畢矣！竹林生華，翌年必枯。我得吾子，猶竹林生華，我死期不遠矣！」嗚乎！可謂窮而益堅、老而益壯也。余歸自越前，采瓜蒂於四方，悉不中用，唯越前所產，可共吐方耳。翁而生其地，豈天歟？

凡醫生無師授憲章之事，親試病者多年，自然善治術者，往往有之。較之夫徒守師法，不經事之徒，則不可同日而論也。

後藤艮山，幼而寒窶，慨然嘆曰：「我爲儒乎，難上伊仁齋；我爲僧乎，難及隱元。無已則鑿乎？無有豪傑逸才之先著鞭者。」乃謀其親舊，贄青錢壹貫文，執謁於名護屋玄鑿，玄鑿以其贄薄不合家規，不見。艮山激憤填膺，將出門，罵曰：「玄鑿鼠輩不知人！」乃自奮死力勤勉，遂爲古鑿道之開祖矣。

《輟耕錄》曰：「宋季參政相公鉉翁，於杭將求容貌才藝兼全之妾，經旬餘未有愜意者。忽有以一奚婢至，姿色固美，問其藝，則曰：『能溫酒。』左右皆失笑。公漫爾留試之。及執事，初甚熱，次略寒，三次微溫，公方飲。既而每日，並如初之第三次。公喜，遂納焉。後公攜入京，終公之身，未嘗有過不及之失。公死，囊橐皆爲其所有，因而巨富。人稱曰奚娘子者是也。」吁！彼女流賤隸耳，一事精到，便能動人，亦其專心壹志之所致。余竊悲吾人從事於古鑿道，不能研精於經脈藥石之事者，無它，分志於勢利之途也。較之奚娘子，專壹心志於一溫酒，以致巨富，迥乎有間矣。

奧村翁曰：「癩癰，服吐方痊。」余西歸之後，試之不啻數十人，僅愈二三人。鑿生之妄誕，雖耆宿亦如此。

凡病勢緩者，死生易審，勞瘵、膈噎、鼓脹之類是也。病勢急者，死生難預，傷寒、麻疹、痘瘡之類是也。鑿人需勤瘁感刻，明決診候之機。

喘息輕症，暨將發者，吐之後，灸藥隨宜，則可治。但腹氣不堅實者，慎不可吐。香川氏《藥撰》有服蛞蝓方，余試之往往有効。

山東洋，嘗治河漏^①停滯者，益進河漏以吐之。是當吐方未講之時，其胸間已有吐方。

《傷寒論》曰：「嘔家不可用建中湯。」山東洋以建中湯治嘔，蓋懸斷其人，別無一方可進也。

癰癩不治，固矣。但男子情想未發者，女子天癸未至者，灸藥得所，十可治四五。至其受之於母胎者，則決不治矣。

乳岩不治，自古然。而和蘭書中有言，曰：「初發如梅核之時，以快刀割之，後從金瘡之法治之。」斯言有味。雖余未試之，書以告後人。

天民弁河氏曰：「本草毒草部，可熟讀。」

^① 河漏：中國北方麵食之一種。

凡學道之人，其中既有得，則心通百技之會。故對絕藝之人，則雖琴棋歌倡之末，亦隱然畏之矣。承蜩操舟，旨矣哉！蒙叟^②之言。

或有言：容水於瓶，微則其鳴淅瀝；半則囂然；滿則悶乎無聲。凡才德技藝之士，學未熟則多言強聒，自視甚高；涵養既極，則神閒意定，湛乎若空。

身處四民之外，或可貴，或可賤。上陪王侯不爲榮，下伍乞兒不爲辱，可優游以卒歲者，唯吾技爲然。而自非有確乎不拔之操，難矣其不爲油滑佞諛之人。

家豬膽通壅滯、療逆氣，功不讓熊膽。熊膽多疑似物，非精於鑒賞者，不能辨也。

朝鮮人參，潤枯竭、下虛逆，其他功用過諸藥。近世主張古鑿道者，妄謂「朝鮮參，制焙之餘，其力不及芳野之產」，可謂冤矣。至夫補益延年之說，則今古之腐套、鼠輩之口實，不足掛諸齒牙也。

和蘭人試肺癰疑似者法：貯水於器皿中，使病者唾其中，膿沉、唾浮。有膿者爲肺癰。

^② 蒙叟：即莊子。

諸淋病，便道壅塞，小便一滴不通者，灸陰莖頭中央、與陰莖根極處正中，各七壯，有奇効。

和蘭人能審癰疽之別，癰爲易治，疽爲難治。今世人以癰爲大甚危篤之病者，不知其分也。夫癰者濕、疽者乾；癰者張、疽者陷；癰者紅潤、疽者紫黑。余受其法，徵之事實，果然無差矣。

吾鑒方之書，除《傷寒論》之外，不詐僞妄誕者，千古幾希，非明眼之士，則不能辨其端的也。予覽艮山子之《病因考》，絕無矯飾之言，可謂人豪矣。至香川秀菴，才學動爲障，牽弦附會不少，其人與其書，下艮山一等。

凡腫物，以指按之，有氣築築者，不治也。

癰病古稱天刑，其難治可知矣。然慎喜怒、遠房室、蔬食菜羹，則可掩醜終身者，十中有三四。黑白癰、暨手足指梢拘攣腠削者，皆爲難治。眉鬚墮落，面身或隱起、或腫脹、或如紅醉、或班點如楊梅瘡者，皆施治方可也。

中河豚魚毒者，少覺懊惱，須直探吐，急服藍汁一盞，若人糞少許，若瓜蒂末一錢，須與吐盡，則十治八九。

筑前柏浦南北，其民小有傷，則煮鯨油塗之。若感外來之邪氣，則毒氣俄發，卒厥而死者，年年相望。至其暴急者，雖以大陷胸丸、備急圓之類，亦難救之。蓋瘧病之一種，而後世所謂破傷風者也。

初患黴毒，服輕粉而愈者，經年再發，則多難除病根矣。故其初患者，不論輕重，莫若長服解毒之劑，以漸尅平矣。至積年之痼疾，則非輕粉之類，不能取効也。

今世患黴毒者，多兼氣疾，故處方亦不兼療氣之藥，則毒氣凝而難散。

瘰癧初發，其人無黴毒暨疼血之諸症，而其心下痞鞭弦急者，多是氣疾也。須用吐法，後長服瀉心之方。

勞瘵不可治，似勞瘵者可治。膈噎不可治，似膈噎者可治。世醫謂治勞瘵、膈噎，蓋似者也。

奔豚氣，未必用奔豚湯。

瘧病須以常山吐之。大法以五發爲期。寒少熱多者，不宜常山，可服紫陽花末一錢也。服備急圓

一分，亦可也。

吐血，因酒發者易治，因氣發者難治。一發，尚可也；再發，多死。

吐血後，見腫者，危矣。

產後三五日，惡露不下，腹滿不減者，須急下之。數日後爲瘕，難治。

山東洋能運用三承氣，對檢之《傷寒論》，馳驅不差範，真二千年來一人。

山東洋聞其門下醫生無故轉處方，則嘲曰：「鑿自轉。」

凡百技造其極地，則意思必入毫髮機緘之所存，難爲耳食吠聲之徒說，必也待受而不疑者，而後傳之已。《五雜俎》載：「金陵人，有拾鈔於道者，歸而視之，荷葉也。棄之門外逡巡。一荷擔者，俛而拾焉，故鈔也。」嗚呼！不以古道爲荷葉者，幾希。

奧村翁年過六十，其技大行于越南北，人人相爭招致，而富室勢貴邀之，則不肯即往，貧氓村夫

請之，則一言即到。其意蓋在乎矯世鑿趨勢利者也。

余嘗問山東洋曰：「吾事君三年，技不進，何故？」山子曰：「吾子須多讀古書，與古人晤言，以蕩除胸間之污穢。」余當時汎然聞之，未甚得其意。爾後十餘年，周游海內以試斯技，始知榮辱悲歡之心，妨診候處療之機。因意：「先輩任誕橫逸，不屑世紛者，蓋有故。」今錄其三四焉：

中古有隱士德本者，甲斐人也，常驅使峻劇之藥，未嘗誤人。頸掛一囊，周流諸州，應病者賣藥，取價每貼十八錢。台廟有病，徵治得痊，乃亦乞定價於政府而去。

又有有馬丹山者，洛鑿之巨擘也。嘗應福井侯之召，至越前，侯病劇，諸鑿束手。丹山既診，出就客位，開藥籠匙白末如雪者，沉吟良久，忽曰：「殺之耳！」諸大夫士在座者，退而竊議曰：「彼言狂妄，其藥不可進。」一老臣曰：「侯疾殆危，彼乃陷之死地而後生者乎。不然，何以沉吟之久？」眾皆服之，遂進其藥，不日其疾果愈。丹山將歸，游三國倡家，有一殊色，欲取去爲侍婢。妓曰：「倡家有法，無購身錢則不能。」丹山曰：「本自有意。」迺啓福井侯取償云。

又洛鑿村上東川者，療安藝侯沉痾，有功。侯喜甚，迨川將東歸，乃謂曰：「積年之患，一旦除矣，將何以謝？」德川曰：「鄙人無他嗜好，唯臺下前庭巨石，奇峻可愛，願得賜之。」侯曰：「諾。」其石大殆數圍，乃命役夫數百人，拖拽隨其後，行至播州，漸生厭心，乃棄之海濱而去。

又小倉侯醫員，有西一鷗者，技超出時輩，性卓犖輕人。豐邑長某，有危篤之病，請一鷗，家兒迎曰：「貴客幸辱臨，寒鄉僻陋，無物可羞。」鷗曰：「我嗜雞羹，田家多雞，幸供，其佗勿以。」既

而診病者，謂曰：「無佗故。」少間室內躁擾，親故悲咽，家兒出曰：「病者已死，客幸歸。」鷗色不動，曰：「不審平生脉，以故診誠誤已。」整衣將出，顧家兒曰：「向所請雞，意已殺，爾家無所用，請畀我。」其或不爲權貴屈，或不爲順逆拘，往往如此。

半產後，敗血不下者，慘毒尤甚。數日後，心下鞭滿如石，爲難治。須先其時下之，宜雞鳴紫圓。療癰服瀉心湯，兼服再造散，可也。灸肩井、膏肓、曲池、身柱，數十壯。

香川氏曰「溫泉不熱者，無益于病」者，可謂夏虫之見矣。藝州佐伯郡有泉，曰水內治腰脚不隨者，有奇効。其泉頗冷，秋冬難浴。

狂犬毒隔日發者，大概不治。凡覺中犬毒，須先其時煎服番木鱉子壹錢、甘草二分以發之，後右方中加大黃，下盡宿毒。

蓋人多思慮，火易動，火動則津液涸，加旃慙慙，則因爲虛勞，虛勞亦多氣疾。

氣疾爲痿臂者，其陰莖多先消縮。及其將愈，其陰莖先暢動。

《五雜俎》載：「松滋令姜愚，忽病不識字，又有人得病，視物皆曲，弓弦界尺之類，視皆如鉤。」蓋皆氣疾也。

《傷寒論·痙溼喝》條載：「病身熱足寒，頸項強急，惡寒頭熱，面赤，目脈赤，獨頭面搖，卒口噤，背反張者，痙病也。」蓋與今所謂卒癱全相似。而徵之事實，則斷然自別也。

亡血虛家、及氣疾家，其火易逆者，不可過用發汗之劑，一轉爲勞。

微毒受于母胎者，甚難治。假令一旦得痊，後必復發。爲人父母者，豈可不思諸父精之初乎！

《傷寒論》簡易的切，無論爲醫流之正典，活人之鴻局。而爲王叔和所壞裂，踏駁贅亂非一，非深造超詣之士，不能明辨焉。〈傷寒例〉及〈脈法〉皆成王叔和之手，不可不精察矣。

因幡侯有疾，徵洛鑿飯田玄仙，使者造請，玄仙出對：「可其請。」乃入室中，執質錢帖數十枚來曰：「我好衣服悉典盡，使者幸償之。」其氣宇恢廓，不屑匱窮如此，它日鑿名振天下，有以矣。當世鑿，務美衣服，如賤倡濫婦，染污爲俗非一日，有志之士，可愧死矣。

村上東川，療人誤機用，則廢治療數日，出宿妓院。有人促歸，則掉頭曰：「我悔恨未除，診候難詳，恐重誤人。」不肯歸。

奧村翁，躬有微恙，則不診人。曰：「我心不了了，診察恐不得審。」

我邦三都之俗，儇巧習於俯仰，視四方人，以爲素樸可笑。百虛一實，左右賣人，延及醫流，醜態百端：盛輿徒、美衣服，佞給遷就，苟且求售，曾不爲極思於藥石經脈之事。四方之子弟，負笈遊學者，不知不識，化其俗，以爲粧點不如此則難爲醫。及其歸家，自爲油滑佞諛之人。於是乎不良不美之俗，靡然布于海內矣。吾技之衰，可勝嘆哉！

長門村夫家，世傳小冊子，余偶宿其家閱之，其書中有苦瓠穰吐食傷之方。余試之數人，悉有効，於是乎，無瓜蒂，則代用之。爾後讀《千金方》，有苦瓠穰圓之方，可知我邦中古，講漢唐之古方書，其流風遺言，猶存於邊裔也。

近世唱古鑿道者，動謂：「諸瘡痼疾，未必事禁忌，唯在乎驅除毒氣耳。」嗚呼，危矣哉！余少患黴毒，長服再造散得愈，後食餅、豬、鴨、雁，飲酒，復發者三次，是余親以身試者，豈可不戒

乎？

凡服峻攻之藥者，不遠房室，則腹氣易竭，血脈易亂，難以得効也。

山東洋之於三承氣，奧村氏之於吐方，皆數十年枯髯嘔血之所得。今世粗工俗手，遽然試之，傷人者不尠矣，遂歸咎於古鑿道。甚矣哉，其害道也！

南郭服子之於詩，雪山人之於書，芭蕉翁之於諧歌，皆一世之逸品，研精刻意，涵泳之久，遂出巧思之蹊逕，入於神妙之區域。雖小技，亦豈容易乎哉？吾人從事於古鑿道，精勤十數年，終不能到于絕倫之地者，無它，榮辱非譽之情動于中也。余每詠服子之詩、對道人之書、誦蕉翁之諧歌，未嘗不赧汗浹背矣。

長崎有一女子，曰龜娘，其父業鑄香爐，無男子，傳法龜娘，並有絕巧之名。龜娘爲人，豪放使酒，常與丈夫游，其家單乏，然未肯急意於治生也。偶有好事者，預納數十金請之，則先買酒餼，招隣里，酣飲數日，而後就工。長崎總管，嘗承執政之意，使制爐，過半餘歲，漫爾不爲。總管任將滿，乃使鄉吏促之。期裁而成，猶未肯進，鄉吏懼，遣卒數人守其家，以督責之。龜娘不錙銖夾意，豪放益甚。一日置其所作於案上，踞一牀，持大管，吹烟熟視數刻，風致不愜意，攜來一大斧，一喝打碎！

迨總官東上，香爐竟不隨矣。嗚乎！達藝之人，不可以勢位奪其守如此矣。與夫萬物之多，唯蝸翼之視者，混然無間矣。吾人從事於古鑿道，而奔趨名利之途，汲汲乎求售，其操行不如賤女子，豈不悲乎？

和蘭之鑿，善汗吐下，寶曆壬午春，余西游到長崎，就譯師吉雄氏，得聞彼鑿法，其治術，峻劇纖巧，難遽用於邦人，然而至汗吐下之機用，則一一與吾古鑿道符矣。夫中華聖人之邦，失其道二千年，特於蠻貊得之者，不亦異乎！且其國不禁解人屍，其民亦不屑屠腸絕筋之慘，是以人病死，其病源不明，則剝剝視之，以爲後圖者。數千年于今，其書鬱然存焉，有志之士，考證玩索，可以獎助志業矣。

艮山子謂：「百年以來，游惰之人，腹裏結癥瘕。」余徵之都邑市朝之人，比比皆然。蓋太平日久，民庶蕃息，金錢虛耗，奢侈日盛，則知巧之民不免病，氣勢也。鑿人施治之日，從這處下工夫，則大有裨益矣。

凡百技有知之者，有得之者。知之者，不若得之者。而知之易，得之難。夫得之者，不爲順逆拘，不爲寵辱奪，不爲毀譽移，不爲貧富阻，夫然後謂之真得。茫茫宇宙，鮮矣哉得之之人。

和華今古之儒流，譚及吾技者，不爲少矣。夫未試之事實而言者，率皆不空闊迂僻，則虛誕詐僞。何知其機緘之所存？適足以見其腐臭之態矣。

《傷寒論》曰：「太陽病不解，熱結膀胱，其人如狂，血自下，下者愈。其外不解者，尙未可攻，當先解外；外解已，但少腹急結者，乃可攻之。宜桃核承氣湯。」按疫中，或有因氣逆血下者，或有下之甚早，虛氣上衝血下者。其證候粗相類，但少腹不急結爲異。若以桃核承氣攻之，則其害益甚。豎詳其證候，可無誤治。

太原村一婦，戴薪過洛下，顏色忽若有所苦者，俄坐道側，自舉一子，手親洗拭，入其傍家，乞冷水一盞，喫之而去。行路觀者，詫異傳語，可見勞動形軀者，無難產也。因想巨室富豪之婦，侍婢穩婆，邊左右，圍前後；重茵而坐，撰粒而食，肩不舉，步不搖，心常懷恐懼，是以往往取大患也。豈可不鑑乎！

瘧病之輕證，有手足拘攣癱瘓，而帶表證者，先宜以葛根之類發汗。表證既去，仍拘攣癱瘓不差者，與大柴胡湯則愈。

大黃黃連瀉心湯、半夏瀉心湯、生薑瀉心湯、甘草瀉心湯，其症候大同少異，仲景論其區別，周

悉懇到，學者須徵之事實，審其機緘之所存。

傳尸病，咳嗽潮熱，脈細數者，灸藥悉無益。五尺之童，亦能知之。其或無潮熱、或脈不細數者，非超詣之士，難詳其治不治矣。至其或得之氣鬱，或得之瘀血，或得之黴毒者，則其症候，全與傳尸相類，而得治而活者，十中有五六。

勞瘵無咳無熱，脈不數，形軀枯燥，而聲啞者，不治。

黴毒家，長服土茯苓，津液乾燥者，火動發咳，甚者卒厥。醫須慮諸其初。

淋疾痔漏，因氣發者，不爲少。欲攻之，兼療氣之藥，可也。

黴毒家，手足骨隱起者，難治。

有黃疸者，有似黃疸者，須辨。

《金匱要略》於胸痺心痛，用附子、桂枝者多，澆薄之世，人民黠而多思慮，以鬱蒸氣火，可芩

連者多；可桂附者少。鑿詳其證候，可無誤治。

五十已上，病偏枯之人，四肢不如意，語言蹇澀，常流涎者，其腹候堅實，而大便秘者，可與大黃黃連瀉心湯，以參連湯亦可也。凡病斯證，機轉如木偶人，則可爲既愈。其全復者，甚鮮矣。

鼓脹多得之於天，蓋受體之初，胎穢結爲癖，潛在腹裡。壯年後，勞動心志，脩養失其宜，則因發爲鼓脹。故父子兄弟連發，亦往往有之。

產後血氣易涸，尋勞傷精神，則因舌乾泄利，發咳爲勞。又新產之時，惡露不全下，凝結上衝，舌傷泄利，發熱發咳，爲勞。

劫人於山野，養其口腹者，謂之賊。而其殺人，通計之於生涯，雖其多者，亦不過五十人若百人。方今之鑿，術拙而幸行於時，不知不識戕人，通計之於日，日三五人者，蓋不爲少；生涯則不知其幾千人。其心雖固不出於害人，至使某死乎非命則一也。無乃其陰惡甚於夫賊耶？嗚乎！仁之術，果奚在學鑿者？如之何？其可不畏且勉乎？

鑿雖才氣秀出於人者，試治方於危篤之病，不過千人，則知見不明，得處難諦。

村宗碩，嘗至一豪家，主人病篤，醫生親戚來集者頗多，議論紛涌，移時不決。宗碩颺言曰：「驅除滿座之鼠豎！」而後處方始定耳。

赤關一醫生病疫，惡寒發熱，頸項強，頭痛如割，脈洪數，心下痞塞，請余。余曰：「是疫兼氣，數日之後，大便難通，須先吐。」醫生心不服，於葛根湯方加枳實五分，日服五貼，汗出如流不解，脈數，痞塞愈甚，完穀不下，日夜煩躁不能睡。余曰：「脈數，痞塞益甚，大便不通，經數日，雖以大承氣湯無益。今雖屎不定，須先其時下之。」醫生可，迺作大承氣湯與之，醫生以爲余言如此，恐難起，呼親故屬後事，苦思萬端，氣鬱結，故經數刻，藥氣不行，醫生心又以爲：「雖行大承氣湯，便不下，病危甚。」以白茶盞，服新汲水五盞，卒然而厥，家人狂躁，頻來呼余。余方食，吐飯行，既到其家，則厥已復。它醫生先到者，三四輩圍繞而坐，醫生視余心寫：「承氣湯與新汲水并行，大便下三行，最後見血少許。」醫生病數日，視聽不正，以少許爲許多，又以爲血下如此，決不得起，恐懼發狂。它醫生皆以爲疫毒轉傳入裏，余曰：「疫已解，狂自狂而已。雖狂依疫發，易爲也，勿驚，待數日之後，腹氣復，津液調，治之可也。」而傍議紛紛不止，別延一醫生來，生曰：「是非疫，狂也。以大劑白虎湯，則一擲可治。」加石膏十二錢，進之。余曰：「腹候未復，攻之過峻，則恐生變，請待三五日進。」一醫生心不服，余辭去。其翌黎明，急來叩門曰：「服白虎湯二貼，卒厥而絕，請來急診。」余直到診，則四肢冷厥，機轉悉絕，只心下一寸有微暖一塊逼鳩尾。它醫生先到者，執熊

膽灌之數次，益不可。余曰：「九臟失位置，開闔將絕，不堪熊膽之慘苦。」乃以手摩塊，氣息微宛，迺煎朝鮮人參五分灌之，頃刻甦，再作人參湯進二貼，每貼參五分，日暮省人事，數十日而全愈。

有一婦人，每年一產，悉不育，或死于母胎，或產畢死。乞治於余，余按其腹，有巨塊，中脫築築，乃與瀉心之方寬其中。每月二次，灸七八俞及十八九俞五十壯。嚴制房事，日助薪炊，如是十月，臨產腹痛一日，無他故，但新產兒面色青黃，呱呱不發，乃急取大黃、甘草、黃連三味，下黑便一日夜。面色變赤，啼聲徹四壁，後遂爲好男兒矣。

佐嘉侯家臣某，年二十五，左臂痺，諸醫莫知其故。經三年不愈，迺往于長崎就外科某，以和蘭法療之，亦不愈。余偶西游到長崎，某者來乞治，余望其容姿，輕健如常，而徐察之，則其面過赤，其脈洪數，其腹堅滿，大便秘結，舌乾氣促，喜怒無常，好淨潔，陰雨暮夜安靜，而晴日晝間暴熱，躁煩而渴。余以瓜蒂散一錢，吐膠痰升許，臭穢物升餘。吐了，取大黃、黃連、黃芩三味下之，峻瀉六七行，至晡時昏眩，乃進糜粥養之，熟眠一夜。其翌診之，則脈數腹滿大減，迺作黃連白虎湯進之，兼用濕漆丸，居三十日，病減半，先余歸。後六十日，余亦東歸，道於佐嘉，宿某者家，再診之，病漸除其七八，而左臂未全快，作一百日劑而去矣。

長門府一男子，患下疳，脩治不順，如愈如不愈。荏苒經數月，秋間浴溫泉二十日，毒氣大發，

骨節如刺，偏身腫脹，不能起作，遑遽而還家。過十餘旬，經三醫師之手，不治。其兄在赤關，就余謀，於是，舟楫一日，往問其疾。男子不出一室百餘日，脈數氣促，夜夜不睡，目光熒然，常懷悲愁，髮亂面腫，潰爛如桃花新發。診其腹脈，則膿汁塗手。迺作再造散六十錢，三黃湯二十貼與之。曰：「後十日間，須服盡。」十日後，一力來乞藥，且曰穢物下日六七行。又經十日，往再診，病形半退，寤寐徐安，謂余曰：「今茲七月十六日，爲亡父大祥忌，期已不遠，得躬自辦供養之事，非分之幸也。速治之術亦有之乎？」余曰：「有。」迺作五寶丹如法服之二劑得愈。既而至祭期，拜僧對贖，陳佛餉、供香火，一一無缺。事竣，延余喜甚。余曰：「吾子勿太甚悅，五寶丹可散毒，不可盡毒。今之得愈，非全愈也，散耳。偏身猶尙多毒，不日而再發。」不信。脩養有間，居三十日，果然再發，於是遽服前方，從秋至冬，連延越春夏，漸得剋平，而瘡根堅凝者未散。余曰：「是餘毒未盡也，宜益服前方。」服又一年，凡三十餘月而全愈。嗚呼！黷溼浸潤之毒，難急除如此。

一男子患氣疾，左右脉洪數，心下痞堅，大便燥結，寐寤不安，語言失理，稱王稱帝。余以三聖散吐之二回，與參連白虎湯，三十餘日而全愈。

有一男兒，病時疫，經汗下十餘日，諸症不減，譫語如見鬼狀，時時直視摸牀，不食。一日厥逆而脉伏，諸醫束手，其戚族某，狂走而來請余。余到診，則瞑目閉口，機轉悉絕，唯心下有暖氣一塊，橫斷上下。乃取熊胆貳分，以小刀開牙關灌入，頃刻而蘇息。迺作小茈胡湯進之。語言既出，仍未省

人事，其明又與熊膽暨小茈胡湯如前。如是七日，病徐徐而退，日啖薄粥一大碗，經數日得愈。斯兒病，非重困危篤之症，諸醫不知其小腹裏小少有痼癖，使邪氣不發舒，徒攻以致卒暴之變也。

一農夫，侵暑耕，卒然衄血一日夜，昏眩不能起。家人急來請余，余乃到診，血益迸出，冷汗如灌，虛里如奔馬，脈如怒濤，迺浸杉原紙三枚於冷水，以蓋其百會，貯烈火於熨斗中，自溼紙上熨之三五次，血止不出。然暈眩荐發，不能食飲，於是作大黃黃連瀉心湯，日服三貼，經七日，兩脛大腫，與瀉心湯自若，三十日而全愈。

阿波賈人，泊舶於尾道，食章魚中毒，累日不解，經二旬，到赤馬關，易醫三，病勢益劇甚，命在旦夕。客舍主人某，造余廬請治，余到診，滿腔如盛石，自心下至少腹，絞痛不可觸。藥食并吐，不留些子，其脈緊數，唇舌焦黑。余呼主人問曰：「斯人平生有苦積塊乎？」曰：「有。」余曰：「是滯食激發積痛也。先下其滯食，隨調其積痛，則猶或可解。唯連延經數日耳。」迺作大劑大承氣湯，下之數十行，腹脹悉除，絞痛益劇，當其心下，有一巨塊如活動者狀，於是與附子梗米湯調之二三日，腹痛減半，舌胎皆去。日啖薄粥二盞，與梗米湯一百日，漸漸得愈。舶主之滯食，不吐以瓜蒂者，慮其聲氣有不堪瓜蒂之毒也。既下後，不進以芩連者，知腹氣竭乏，以苦寒則痛益激也。

余小少多客氣，施治方於不治之病，取凶暴之名不少，今錄其一二：

廣陵一女子，病咳，晡時潮熱，淡紅上顴，肌肉脫落，脈數氣急，而食飲不減平生。千里雷聲，乞治先師，時余適歸自越前，勸先師吐之，快吐數升，安寢一夜，諸症悉去，三日而死。

又有一男子，病噎，年紀五十餘，食飲一切不通，日飲醇酒三四盞，容姿枯燥，但坐吐白沫，精采瑩徹，夜夜不睡，余與三聖散，快吐數刻，吐後一日，食飲復常，晝間忽然而殞。

又有一女子，病鼓脹，腹皮光瑩射人，盡力推之，空洞無物，大小便不利，飲啖頗健。余調三聖散一錢於薤菜汁進，吐穢物數升，又以雙紫圓三分下之數十行，其明大便泄利，小便斷不下，腹脹減不足言，不日如故，經數旬而死。

又長門一鄉胥，病喘數年，身體枯燥，腹皮迫急，氣息奄奄，語言蹇澀，余調二仙散五分於薤汁進之，飲之一口，至吭不下、不吐，手足微冷，額上生汗，脈絕欲死。急與麝香末三分，徐徐得解。

又有一賈豎，脈證類鄉胥之病，唯腹氣頗堅實，以二仙散一錢和白湯進之，襲被褥取汗。余坐枕上，時時進白湯，以雞翎探之，自旦至夕，不吐勺飲。日暮啖薄粥三碗，氣韻如常，余羞赧而歸。

斯五人者，三者攻之促命期，一者虛羸不堪藥氣，一者病深不屑藥。其施治方無益則一也。嘗見一婦人病乳岩者，漫然不爲意，經十五年而死。蓋諸不治之病，未必急死，或躬自懷悲懼，或醫生誤治方，以促其命期，不若棄置待盡。

有一女子，疫後數日，困悶不能食，眼睛不和，懶動作，時時惡寒，如將再病者。按其腹，當心下有畜水，連胸腹苦滿，其脈沈遲而欲絕。迺與苦瓠穰貳分，吐之五次，湧黃水數升，其翌日氣宇豁

然，飲啖復故。

有一歌姬，患腫毒，左肘腫起如傅鰻頭，偏身肉脫，脈數氣急，咳嗽潮熱，一與傳屍符。審問其病狀，比年來骨節疼痛，腰背冷，月事不下，蓋得之黴毒壅於經脈，乾血攻中也。迺與濕漆丸壹錢，十餘日，大便秘臭穢物，偏身發紫疹，陰門突出，痒痛不可堪，而脈數氣急減半，於是作瀉心湯與濕漆丸併進三十日，覺肌膚生肉，咳嗽潮熱徐徐而退，約二月許而愈。

有兒五六歲，病天行痢，二日而發驚癇，直視變急，身冷脈伏。醫將用三黃湯，余止之曰：「痢以痢初頭發，其腹氣堅實，雖危不至死。今外症未解，而用三黃湯，則恐痢毒婉鬱而延數十日，數十日後，腹氣虛竭，痢再發則不可救。今日之政，唯須發散。」乃以葛根湯發之，兼少用熊膽，經五日而痢愈，癇不再發。

有一婦人，經水五十餘而不斷，其至也，每月十四五日，血下三倍尋常之人。面目黎黑，肌膚甲錯，暈眩日發四五次，不能數步，徹夜不眠，呻吟聲聞于四隣。其脈沈細，其腹空脹，心下暨肚腹，各有一塊堅如石，蓋敗血凝結，震蕩鮮血也。余一診曰：「腹力虛竭，積塊不可攻，與滋潤之方，觀其動靜而已。」家有二子，懇請不已，乃作當歸建中湯，日服二貼，經五十余日，無它異，唯覺暈眩僅減，又數日，其左足發毒腫，一日三五次，暴熱來去，家人驚請它醫，它醫診爲氣疾，與三黃湯，

二日許，暈眩大發，卒絕欲死，於是遑遽再請余。余曰：「病不可攻而攻，故有斯變。斯人斯病，除當歸建中湯，別無一方可進也。」服建中湯數百日，身覺滋潤，徐徐可艾炷，於是再作建中湯與之，居半年，暈眩不發，日行數百步，血來減前，於是，灸脊際。日三四穴，漸增至五六穴，凡三十有七穴。每月輪次，終則始，與建中湯，如是一年許，而血來減半，面目肌膚生津液，又經一年，徒步涉山河，能得遊後筑善導寺而還。

有一贅婿，新婚後數月，病暈眩，隔日衄血，咳嗽潮熱，其脈弦數，家人悉謂虛勞，余一診而曰：「腹氣堅實，是決非虛勞也。」審問其病因，平生嗜飲酒過衆，比年來爲舅姑制，絕盃酒，故致氣火鬱蒸。迺與大黃黃連瀉心湯，三十日而全愈。

漫游雜記卷之下

長門 永富鳳朝陽 著

姪 松士藏道遠 校

藤元幹隆昌 訂

有一男子，病傷寒，發熱惡寒，穀肉不失味，下痢日數十行，其舌無胎，不好飲。鑿以葛根湯，發汗三日，下痢不止，與小前胡湯，下利徐多，乃與桂枝附子湯三劑，下利益多。鑿來詢余，余往診其脈，推之無力，其腹如堅實，而中氣不充，因審問其平生。言頻年病黴毒，長服下劑，余顧鑿生曰：「此證極宜附子。與附子利不止，余惑之，不知吾子與附子約幾許？」鑿曰：「每貼或六分、或七分。」余曰：「是過用，不耐其毒。」於是再作桂枝附子湯，每貼附子二分，或增至三分。二日而利絕，數日而復故。

一男子病疥瘡，以散藥摩擦，數日而愈。後作藥湯浴，浴後中風，發寒熱，毒氣內攻，滿身暴脹，兩便絕不下，氣急脈數，不能移一步。請余，余謂家人曰：「斯症，死不回踵，非峻攻之藥，則難爭鋒。」與備急圓五分，快利三行；其明作東洋先生赤小豆湯，服三大盃，又利二行；其明又與備急圓，利十餘行，毒氣漸減，瘡痕發膿；續與前方，二十餘日而全愈。

有一男子常曰：「吾眼睛吐絲。」使家人取來一環，就其目下轉旋，日日如此二年，時醫不得其解，咸言魔魅所爲。請余，余到審問其病形，飲啖過常，大便秘，夜夜不睡，蓋得之數年來失經紀、蕩家產，中心鬱結而不暢也。迺以瓜蒂末，取快吐五次，於白虎湯方內，加芳野直根參三分、黃連三分與之，續服六十餘日而全愈。

又有一婦人，日言「我面今日加長數寸」、「我面今日加短數寸」。蓋得之其性多妒，其夫多情，常懷鬱悶也。長服三黃湯而愈。諸氣疾作怪狀者，大概皆如此。

一婦人，三十餘歲，月事斷不來，年年肥大，腰帶數圍。一月一二次，發大頭痛，藥食併吐，豎與抵當丸、濕漆丸數百貼，血不來。余診之，其腹脈堅實，唯心下梗塞，推之難徹底。乃以瓜蒂末一錢，大吐一日。其翌按心下，梗塞減半，又作抵當湯，與之數日，大便溏瀉，日五六次，後十日，而再與瓜蒂五分，又與抵當湯如前，肚腹劇痛，代用以丸，日三五分，三十餘日，而經水來如常，頭痛漸漸而退。

有一婦人，產後八九十日，飲食不甘味，肌膚無肉，胸腹痞滿，時時雷鳴，大便易瀉下，其脈沈微，平日晝間，無故悲愁，經數豎之手不愈。請余，余與參連湯，兼用抵當丸，灸脊際，每日二穴，自盲門至腰眼，凡三十餘日而復舊。

有一田夫，病痔漏，肛門傍一寸，有小穴，出膿汁，又左耳下一寸，有黑痣，時時震蕩，如與肛門傍小穴相應者，遍身發戰慄，脈數氣促，肌肉日脫落。乞治於余，余思索數日，不得其解，固辭不療，以爲其終爲勞矣。爾後二年，再過其地，呼田夫，問其經歷，則曰棄置不治療，無故快復。至今十餘年，未得其解。

有一壯夫病積，一年三四發，發則大便秘，夜夜不眠，飲食悉吐，余以苦瓠穰二分，吐之一日夜，其翌再不吐，急灸章門、腰眼、痞根數千壯，與參連湯三十日許，爾後再不發。

有一醫生，每冬初微喘，按其腹部，諸藏逼上。余曰：「是喘息之候也，可急吐。唯臍上一寸，有動氣，吐後胃中空虛，則上逆冲心，不可大吐。」迺與瓜蒂末五分，自旦至晡時，吐數十回。晡後吐黑血三四合，困眩不可堪，額上冷汗如洗，急與冷粥一盞止吐。服三黃湯二大盞。其翌增進三黃湯，經三日，灸胃門暨七九俞各百壯。數日後，不聞喘聲。

有一男兒，十二歲，左右足痿如無骨者，語言蹇澀，目脈赤，無故悲愁。經數醫不治，請余。余到，診其脈滑數，腹位逼胸脇，臍下如空。審問其平生，氣稟猛烈過群兒，方其怒罵之時，眼光爛爛，血氣如湧。蓋氣疾之一種，而全與偏枯相類，唯老嫩異而已。與參連湯，兼用能膽貳分，十四日，病稍輕，續服參連湯六十餘日而全愈。

中蝮蛇及諸虫毒者，服雄黃、龍腦、麝香之類爲可。嘗有一狂夫，性馴虫蛇，適遊叢祠傍，睨蝮蛇匹遊，攫取袖之，見咬左肘，須臾暈倒，輿而歸。耳目口鼻，悉飛黑血，舌上核起爲星點，每點出血。急取鐵漿水二盃服，血不止，又與備急圓二分，下之數行，血不止，昏眩將死，於是，未雞冠、雄黃一錢，龍腦五分，以白湯頓服。食頃血止，徐徐而復故。

一府吏，天資勁悍過人，能斗食，能斗飲，腹與繡佛類。一日造余點灸穴，余望其腹，消縮異常，臍下如削。余驚問曰：「左右足，得莫不癢緩乎？」曰：「然。左右趾梢若麻難著屐。」余曰：「是病不淺。得之勞神太過，須急辭官處閒，將養延生。」不肯。越五月，發疽而死。

有一男子，病時疫，外症未除，鑿以大柴胡湯下之，數日後，昏憤不知人事，耳目之用悉廢，索空狂吼，一夜煩躁頻發。至五更，家人走來叩余門，余到診其脈，細數與勞瘵全相似。蓋下之太早，虛氣上衝而然。余曰：「是壞症也，危矣。」家人懇請不已，迺煎朝鮮參壹錢、黃連五分服之。至黎明煩躁漸止，脈變芤遲，家人大喜。余曰：「不至明朝，未可知其果治否。」及夜再診，脈如旦日之候，迺坐枕側待旦。頃之，煩躁甚，脈之細數，亦復如初，時已雞鳴，余乃固辭而歸。時醫更至，與四逆湯、人蔘湯數日，皆無効。如治如不治，經二旬而死。

一室女有私夫，孕而墮胎，敗血兼鮮血，下如覆盆，暈倒數四，家人不知故，周章相救。其家戚族寔繁，來訪者，絡繹不斷。女天資伶利，懊惱中或恐它日事發露，墜家聲。氣鬱結而上衝，頭痛嘔吐，不能食，不能眠，腰背疼痛，下利清穀，四肢如冰。經七日而請治余。余到，診其脈動數，胸間如春，心下痞硬，頭髮振動，額上有冷汗，虛悸煩躁，脇不能著席。迺以桃仁承氣湯二貼，下其餘血。又一日，手足痺，家奴遑遽來告。往診，腰不痛，不下利，煩躁稍定，脈數微減。余謂：「痺屬氣，不屬血。」乃與大黃黃連瀉心湯二日，手痺復，足不復，而不小便一日夜。余知其旦日當利，居然與瀉心湯，其翌果快利，利而又一日復閉。余意益固，居然與瀉心湯。病少間數日，事發露，醜聲外聞，女覺之，病復大發，虛悸躁煩，益不能眠，眠則如驚癇，四肢搖擗，自云合睫則見鬼。按其心下，巨塊連胸腹築築，余以手壓塊摸稜，曰：「余在傍，鬼不得來。」少異枕，壓塊益嚴，塊欲動，不得動，眠數刻，覺後眼光倍常，余呼家人曰：「是應發狂。而斯女伶利，氣易困。狂則忘情，忘則生，不忘則死。狂數日，食進胃調，而後療狂，不亦可乎？唯連延經百日耳。」家人曰：「若得不死，年所猶可，況百日乎？」既而狂果發，與瀉心湯自若，後三日，食穀頗多。十日後，飲啖復常，唯頭眩不能起。於是，作白虎湯，加芳參五分、黃連三分，日與五貼，八十餘日而復舊。

有一窮衲，三十餘歲，來宿余浪速寓居，卒然感外邪，寒熱往來，頭痛如割，腰背疼痛，四肢困倦，脈洪數，食飲不進，全與傷寒相類。急作大劑葛根湯，一日夜進五貼，襲被褥取汗，如此三日，惡寒僅減，餘症如前。余呼塾生曰：「此疫。後爲大患，慎勿輕蔑。」其夜五更起診，其脈如轉索，

來去不自由，余意以爲受邪不淺，恐不起，自如進葛根湯，益增銖兩。既經五日，熟生來告，紅痘點滿面，余抵掌曰：「有是哉，無他故。」其明熱去食進，脈如平生，經二十日復故。可知年長患痘者，其難發達，今也葛根、桂枝，偶然救其死者歟。

赤關賈家兒，病疳，下利日十餘行，羸瘦殆如乾死蛙，其腹脹大，其脈沈遲，食飲則悉吐，以手按其腹，回腸轉鳴如雷，徐而望之，則起伏如有動物，急取雙紫圓一分，以白湯灌之，不吐，少間滿腹絞痛，下腐穢物一合餘，虬虫三頭。午後進薄粥一盞亦不吐，其翌作鷓鴣菜湯二貼進之，其夜下虬虫三百五十頭，其翌再進二貼，又下二百餘頭，吐止下絕，食飲不梗，而困憊亦極矣。余呼其父曰：「雖病已去，中氣難接續。」固辭而去。爾後數十日，兩脛見腫，咳滿而死。

有一男子，病下疳瘡，服水銀愈。後三年，骨節無故疼痛，肢體有時腫滿，喜怒無常，百爾業悉廢。請余，余診之，心下鞭塞，脈弦而澀。蓋得之驅毒甚急，餘毒不全盡，以閉其表，使神氣鬱冒。乃作再造散數十劑，兼服大黃黃連瀉心湯，徐徐而得瘳。

有一鼓工，項門腫起，不能顧左右，無他症，脈沈微，而心下弦急。蓋其資性脆弱，勉強而就業，神氣結腹位逼上而然。與桂枝枳實湯數十日，使廢其業不作，灸七、八、九、十、十一脊際數百壯，全痊。

又有一男子，病症粗相似，但脈浮洪，心下不痞，小便有黃色，與桂枝烏頭湯，數十日而瘳。

有一賈豎，四十餘歲，卒爾來請診余，其面青而無澤，脈五七動一代，心下有一塊，衝皮突起，大如大附子，其臍下空洞無物。余曰：「是腹裡從來有此物，勞神甚多，行慾過度，中氣虛竭，上衝逼心，難以藥石治，廢業遠室，逍遙而保護，則猶可延日月。」既而去，余語其親故曰：「彼有不信之色，必不能改，命期不遠。」後數十日果殞。

一僧十六歲病痘，發熱三日，食冷麵爲傷，腹痛一夜，醫以小承氣湯下之，下後吐逆數四，語言不出，食飲不下，四肢攣急，不死，亦不生。經五日請余，余到診，脈沈微，腹皮弦急，不省人事，不辨五色，牙關堅閉，以湯灌之，至咽而還。余呼寺主問曰：「此僧平生有苦痼瘕乎？」曰：「有。」曰：「是下之甚多，痼瘕驚動，入胸腹，勢不治也。」寺主強請不已，迺取家豬膽一分，塗牙關，徐徐而咽喉有聲，如唾沫下者。再取白湯灌之，少下，乃作參連湯一盞，以蛤殼灌之。午後少服米湯，其夜服飯一匕，其明，語言少聞，益服參連湯，一日二三次，食飯一小盞，三日而瘳見。余再診，痼瘕始據臍上，而腹裏空洞無物。謂寺主曰：「此僧，平生爲痼瘕所困，腹氣全竭，加旃以痘，精液外運，內必不支，不日而死。」固辭而還，後五日，果然而殞。

有一賈豎，病大便燥結，平生十餘日而一行，下後，肛門刺痛不可堪。經數年不愈，請余。余診

之，其脈沈勁，臍左右積塊結連心下。余曰：「此病在腹，不在肛門，不持久則不愈。」迺作半夏瀉心湯，加大黃三分與之，日二貼。數日後，便利，肛門不痛。賈豎來曰：「病瘳，停藥。」余按其腹，連結者未解。曰：「結未解，試停藥。」居數日，又如舊。於是，再服前方，凡經三月，腹候漸穩，灸背數百壯，遂全治。

一婦人，產後六七日，腹滿絞痛，大便秘結，時時振寒，其脈沈遲。余與桃核承氣湯三日，便下，腹不減，痛不止。一日寒慄大發，項強，反張直視，須臾而死。既死一日，斂之棺中，見虺虫四五十頭，始知向之腹痛非瘀血也。爾後遇如此之症，極意搜討瘀血、虫癖之分。

一小兒遺尿，至十餘歲不止，與鷓鴣菜湯下虫，灸章門、腰眼數千壯，全愈。

又有一小兒，病形相似，治之如前法，不愈。

後遊藝州，受一方於惠美三白者，曰：「以白湯服華產蠟，日五分，約六十日、若八十日許，而全愈。服之十日、若二十日，病荐發者，其得効益全。」余試之，或有效。

一老夫，過經十餘日不解，手足冷，心下滿，口不能食，舌上焦黃，晝間微煩，頭汗出，脈沈細無力。余一診，與調胃承氣湯，得燥屎八九枚，脈變洪遲，乃與竹葉石膏湯，數十日而解。

腳氣急發者，毒氣尤甚。辛巳七月，南紀賈舶，海運到于赤馬關，闔舡悉病水腫，乞治于一醫生，醫生不知其疾，延余診。余到診，左右脈滑數，胸腹動悸如怒濤，自腰背迫臍下，悉麻痺，兩脛刺痛不可堪。問其病因，言先是泊熊野浦，連日飲雨水。余曰：「是急腳氣也，不可救矣。」其翌一人死，其翌又一人死，如是數日，闔舡悉死。

有一婦人，四十餘歲，下利腰痛，膝脛有時微腫，脈沈而欲絕，微喘潮熱，食穀一日一二盞，腹底有癰瘕，搖動則不省人事。余曰：「此下利自癰瘕，腰間兼有積冷。」與附子粳米湯，囑曰：「不可酒色，不可思慮。酒色而發，思慮而發，則非我所知，勿歸罪於藥也。」服五十餘日，病除八九，偶其夫壻，愛侍婢，婦人覺之，妒忌忿恚，數日諸症並發，遑遽招余，余曰：「病因忿恚，忿恚不散，則難藥。」使逐侍婢，而再與粳米湯，百餘日復舊。

一男子病黴毒，愈後十歲，膝下腐爛透骨，有時出骨片如柿核者，動作悉廢。又三年，按其腹脈，堅實而無它異。迺與輕粉丸一劑，七日而服盡，咽喉腫滿，日吐涎沫三四合，齒齦斷續出血九日，後隔日進備急圓三分或五分，取峻瀉，每與數十行，經二十日，腐肉復舊，杖而步行。經三十餘日，飲啖倍常，就耕稼如十餘年前。

一男子，病腹痛，苦楚不可堪，四肢厥冷，額上生汗，脈沈遲，食飲則吐，按其腹，痛連胸脇，

遠臍入陰筋，鞭滿難近手，諸醫畏縮而歸。余曰：「是寒疝，應不死。」作附子瀉心湯與之，及夜卒死。余不知其故，沈思數日，偶讀《傷寒論》其所謂藏結也。余當時汎然，不精思，誤鑑如此。噫！讀《傷寒論》十五年，甚哉，事實難周。

有一男子，病氣疾，發則向壁而坐，食飲如常，大便五七日一行，懶語言動作，諸醫悉爲勞。余曰：「是非勞，疳癖也。」以瓜蒂散，吐膠痰數升，後與蘆薈丸，每日五分，每月輪次，灸十三四五六七俞，數百壯，經三月，不復發。

有一男子，膝脛刺痛，腹脈無它異，經三四歲而不愈。請余，余曰：「是濕氣也，後或爲腳氣。」與大黃附子細辛湯，一百日而愈。附子代烏頭，日服壹錢八分。

有一壯夫，病黴毒七年，兩腳拘攣不起，易醫三十餘人，不愈，漫爾廢湯藥。余偶至其地，親故來請。就診，氣韻食飲如常，其脈遲緩，腹無它病，唯其臍下有一癖築築。余曰：「是疝也，攻毒頻年，爲藥所脅，沈結而不解。」與附子粳米湯三十日，徐徐腳伸，時余將去，書方與之曰：「服之無怠。」爾後一年，便肛言，經二百日而復舊。

一男子病轉胞，余往診，病因疝發，其勢不甚急，余意以爲，病往而還，不至死。作大黃附子湯，

與之而歸。晝間偶檢閱囊中，見漫遊中所得轉胞奇方四五，意漫以爲有許多奇方，未必待病勢開闔，一舉可得効。乃作一方與之，不治；又與一方，不治，如是二日，奇方用盡，而病自若。病者不信，請佗醫，後三日小便果然而快利。余因奇方，忽忽誤機用。禪家有言曰：「金屑雖美，入眼則作翳。」信矣哉。

有一男子病黴毒，兩脛攣痛，不可行步，頷下腫起，如梅核大，中氣鬱結，飲食不進，虛羸日甚一日。醫與滋補之藥數百日，益不可。其脈沈微，其腹皮逼脊，只熟按其心下，則到底痞鞭。蓋其肚裏，固有痼癖，爲黴毒所脅，上逼入胸。迺與家方解毒，用大黃僅二分，微利日二行。數日後，心下見動物，腹氣漸復，食飲有味，於是增大黃，每日四五分，快利日三四行，益利而益健。經四十餘日，頷下核消，肌膚生肉，日行一二里，經百餘日復舊。

大阪一賈豎，感暑泄利，其妻少而姣，時醫皆以爲虛火上衝，與益氣湯三十餘日，下既絕，而心下絞痛，三日夜無間斷，四肢拘攣，口不能言，服附子理中湯數貼，不差，欲死。請余，余曰：「是邪毒結而上攻，可下也。」醫生暨傍人皆不可。賈豎獨言：「雖下死，雖不下亦死，死則一也，不如下之無遺憾。」於是余與備急圓二十粒，服後煩懣，食頃，絞痛不發，而便未肯下。余按其腹，臍下隱然怒脹。曰：「是雖心下既解，藥氣爲疝所閉。」迺作黃連瀉心湯二貼進之，其夜二更而便下。家人來報，余曰：「意者五六行，無它故。」至明下六行，神氣輕健，而可行步。與半夏瀉心加大黃湯，

二十日而全痊。

大阪赤石家奚僮病疫，經十五日不解，請予診之。面赤微喘，時時潮熱，舌強狂吼，脈數急，胸腹鞭滿，有時微利，醫與麻黃杏仁甘草石膏湯數日，病益劇。余曰：「是受病之初，發汗不徹，邪氣婉鬱入裏，欲爲結胸，可下。」作大柴胡湯與之，其翌大便二行，胸滿浸減，下痢絕。作小柴胡加枳實湯與之，日進二貼，服三日，大便秘不通，與大柴胡湯，又祕又與。如此三十日而得愈。

余平常多病，虛羸過人，寒暑易侵肌。癸未之七月，病暈。時方乞治者多，強往來閭里數日。八月五日，食蝦魚雞卵，其夜半覺腹痛，服家豬膽三分，四逆湯一盞，不解，到明益甚，心下溫溫結不散。於是服瓜蒂二分，居頃刻益劇，脈伏四肢冷，舌舉不下。余以爲一快吐則僥倖萬一，而不能舉頭吐。又以爲：「余死則端坐。」強扶而坐，坐則吐，尋探吐者三次，胸間微利，而後自旦及午時，探吐十餘，心下結散，自起如廁，昏睡半日一夜。其翌依病謝治療，集諧士談笑。

越前賈舶，海運到赤馬關，其舶主某，書間檢閱賈物過市，忽然卒倒，直視搖擲，不省人事。路人驚視相集，有人走報其舶，舶中人，相逐而至，有一人，以鍼刺舌，黑血霏霏而飛，須臾而蘊息，蓋所謂痧病也。越前人往往傳其法，余北遊受之野人，用之於海濱徒跣之民，間有效矣。

先是十餘年，有一壯夫，感邪氣，惡寒發熱，頭痛如刺，四肢困倦，小便赤如血，食不能盡半盃。余以葛根湯，取汗數日，表證既退，乃與小柴胡湯五六日，待屎硬，與調胃承氣湯，不便，更作大承氣湯，三倍常法與之，終不便而死。余衡慮數日，不得其解。漸悟其初發，脈沈緊，是以心下痞塞之故也。爾後一年，之越前，受吐方，復視一醫生病疫者，形狀頗相肖，待表症已退，以瓜蒂赤小豆末三分，吐之三次，脈和，心下緩。然而數日後，大便秘然祕，因與大承氣湯二貼，便通而得全。

余漫遊之日，多傳諸家禁方，今采擇其試而尤驗者，以錄于左：

赤小豆湯

治諸疥瘡內攻而腫者。山東洋先生方。

赤小豆五錢，商陸一錢生剉，麻黃七分，連翹五分，桂枝三分，大黃五分，生姜一錢。

右水二茶盃，煎取一茶盃。元幹曰：加反鼻益妙也。

琥珀湯

治產後腫。山東洋先生方。

琥珀一錢半，商陸一錢生剉，桂枝一錢或丁子，豬苓八分，反鼻五分。

右水二茶盃，煎取一茶盃。元幹曰：加澤瀉更妙也。

再造散

治大風及黴毒，不擇新痼，服之可也。山東洋方。

皂角刺一錢，白牽牛六錢，鬱金五錢，大黃十錢，反鼻六錢。

右爲末，溫酒送下。元幹按：此方即《三因方》通天再造散加反鼻者。余又加鹿脰骨燒灰、川芎、天石，名加味再造散，用結毒骨痛，或手足拳攣，不能伸舒者，或眉髮隨落，其色澤全類癩疾者，功驗更如神。

治狂犬毒方

華產斑貓五枚。

鹽爲衣炒，以鹽色變爲度。以三茶盞水，煎至二茶盞服。如此七日，除盡宿毒。

治瘡母方

反鼻、常山、大黃、鰲甲各一錢。

右末用。土藏曰：煎服尤佳，或去大黃加附子亦妙。

治產後冷熱痢方

黃連、乾姜、烏梅。

右末用。

治疔瘡疼痛方

水蛭燒存性，烏梅。

右二味等分，傅瘡上。

治一切疔癰便毒方

烏賊一錢，大黃五分，反鼻五分。

右末用。

治小水不利方

和蘭人傳。

白焰硝一錢，麥半合。

右水一盞半，煎取一盞。元幹曰：宜內熱甚而閉者。

治齒痛方

含山椒煎汁。

又方

取蚯蚓腸，置痛齒凹處。

治咳方

虛熱而咳嗽者，用之有奇功。

地骨皮、鱉甲各二錢半，五味子一錢。

右細末，煉蜜丸梧子大，每服五分，一日三次服。

治衄血方

反鼻燒存性，白湯送下。

又方

衄血輕症，土龍燒存性者，塗鼻頭。劇者紙包，填鼻中。

治咽喉腫痛方

鼯鼠燒存性，白湯送下。

治痘瘡暴惡者方

和蘭人傳。

刺尺澤、委中，取血。

金屑丸

解諸毒停食。

金礞石、百草霜各十五錢，硫黃二十錢，真砂一錢半，金箔十二枚。右細末糊丸。

吹喉痺方

丹礬、烏頭、皂角各等分。

以竹管吹之，約壹分五釐。

雞鳴散 治打撲折傷。

大黃二錢，杏仁二錢。

右以水二合，煮取一合，臥時服，後飲好酒，醉爲度。至雞鳴，死血盡下。

治血淋方

海金砂末，白砂糖送下。

治產後腹痛方

置陳艾於瓦器中，焙熟，帛包，熨臍上，艾氣徹口中則止。

治乳不出方

括蕒根九錢，青黛六錢。

右末，白湯送下。

治產後百日間，乳不出者方

木通葉六錢，牡蠣四錢，麥門一錢。

右末，糊丸大豆大，蒲黃爲衣，一服四十五丸，日夜三服，忌五辛青菜，他煎湯。

治乳腫方

蛇木一名蛇柴，清人俗稱蛇紫，出於南蠻，丁子。

右末，好酒解之，烏羽塗乳房。

二氣丸 治一切吐逆急迫者。

硫黃二錢，水銀一分。

右搗合，以生姜湯送下。

治鼠毒方

打碎生蟹，敷之患處，灸五七壯，以解毒之方，下其宿毒。知則患處四邊，必發紫斑。

治微毒痢疾，鼻梁欲壞，輕粉諸藥不効者方

百草霜二合，光明丹二錢。

右二味細末，攪勻，厚紙作袋，如煙管大，約長二三寸，取藥末填袋中，舂千下，緘定其口。臨服，置香爐中焚，以竹管吸其煙，作蓋被爐，使氣不洩，七日而用盡，以口內爛穢物下爲知。

微毒痢疾，若面部、若胸腹、若腰背、若四肢，窠陷見肉，四邊隱起，若奇石怪巖，其色紫黑者，尤爲難治，後方主之。但腹氣不堅實者，不可服。

大黃細末，五錢，辰砂二錢，天蓋細末，五錢，麵粉五錢。

別貯鉛五錢於土器中，安火上，臨鉛融，去浮滓，再加水銀三錢鎔化，下火，俟凝定末之。合勻諸藥，煎仙遺糧拾錢，取其汁，每朝以一茶盞，服散藥若五分、若一錢，後自旦至臥時，吞盡其所餘煎汁。若受毒於母胎者，雖壯實之人，不可與，假令一旦奏功，後必復發，決難得全治矣。

治大人小兒頭瘡方

天花粉四錢，輕粉二錢，地龍燒存性，四錢。

右細末，和胡麻油傳。

治中烏頭附子毒者方

冷服味噲汁本邦制一盞。

治結毒頭痛方

口含水半盞，瓜蒂末少許，貯小竹管中，吹入鼻中。

黑豆湯

治腳氣上冲

黑豆五錢，大黃八分，檳榔八分。

右以水三合，先煮黑豆，取二合，去滓，入諸藥，再煮取一合服。

治下血方

地榆大，宿砂大，甘草小。

右以水二盞，煮取一盞服。

治大人小兒喘息方

灸虛里動脈上，若十五壯、若二十壯。

乾牛丸

乾牛十錢，桂枝一錢，合歡皮燒存性，六錢。
右三味爲丸用。

療蝮蛇咬傷方

藜葉與生煙草，揉和，傅患處。

又方

牽牛花或子，蠅頭十箇，蒲黃。

右末，傅紙，糊貼患處。

治頑癬方

白附子、輕粉一錢、牡蠣各一錢，綠豆，硫黃。

右爲末，以唾傅。

凡濕瘡頑癬，以傅藥愈之，其毒內攻者不少。故外傅藥，則內必下之。

白丸子 治久痢。

白朮、礬石各等分。

右粳米丸梧桐子大。

浮石丸 治血塊。

桃仁、大黃、浮石各等分。

右糊丸。

雄黃解毒丸 治纏喉急痺。

雄黃二兩，鬱金一錢，巴豆十四粒。

右酢糊丸，津嚥下。

治乳癰，腎乳不出方

鯉魚頭燒存性。

右一味，白湯送下。

喉痺吹藥方

礬石五錢，巴豆五粒。

右二味，土器中煨過，細末用。

治療癰結核方

絲瓜燒存性。

酒送壹錢，日三度。

治便毒方

木鱉子二錢，穿山甲一錢，大黃三錢，枯礬一錢，巴豆三粒。
右糊丸，酒送。

治胞衣不下方

反鼻燒存性，一錢，鹿角燒存性，一錢，麝香三分。
右爲末，酒送。

療風犬咬傷方

人糞傳患處，少間洗之，灸其上。

理中圓 治小兒諸疳。

萬年青燒存性，乾漆等分，蕎麥粉減半。

右爲小丸，每服十粒、若二十粒。

治黃胖方

鐵粉百目，黃連、蕎麥各二十錢。

右爲丸，白湯送下。明年復發，則再用。凡經三年許，則全愈。

治河漏停滯方

延胡索一味爲末用。

治痘瘡有虫癰者方

山椒小，黃連大，烏梅小。

右末丸，欲吐則以一物瓜蒂湯送之，欲下則小承氣送之。

治卒厥方

和蘭人傳。

炷焰燭於足心。

治吐血方

和蘭人傳。

赤石脂，柘榴皮。

右未用。

又方

和蘭人傳。

赤石脂三分五釐，阿片五釐。

又方

和蘭人傳。

赤石脂三分五釐，於久利加字幾利同上，阿片五釐，柘榴皮三分五釐，鹿角燒存性，同上。右爲末，取新汲水一盞，內酢少許送下。其症劇者，刺尺澤筋；案之無動脈者，取血。

治蝮蛇毒方

塗蛞蝓於患處。

治痔瘡經年者方

蝸牛四五十箇，以胡麻油煮，以爲膏爲度。

味噲藥

小兒疳，眼睛見縐紋者，用之有奇功。鬼好庵方。

乾柿肉經三年者，八目鰻鱺本邦產，雌雞肝，山蛤，緋知奴多以肝本邦產。以上五味，各燒存性，等五分。沸味噲汁於土鍋中，內本方五味相和用，故曰味噲藥云。

濕漆丸 治婦人血癖痼痕積年不痊者

大黃三錢，生漆一錢半，麵粉二錢半。

右三味爲末，蜜丸，白湯送下，日三錢。

治小便不利方

茯苓大，白朮大，沈香中，乾薑中。

右四味，水煎服。

療疔瘡方

針其頂，末熊膽、水蛭、巴豆，塗針口，則黃水大出。

治中蠍毒方

獮一味，即時傳痛處。

萎蕤解毒湯

宜黴毒諸證，其人虛羸，難投峻劑者。

萎蕤中，黃連小，黃芩中，當歸中，芍藥小，木通大，茯苓中，甘草中。

右八味水煎服。元幹曰：或加大黃，或加土茯苓用。

凡良方雖有奇功，用之之人，不得其機會，則亦不與庸品異。學醫者，須自試以了焉。

余生於長門之西鄙，長於畎畝之中，慕古人之節，好聖賢之書，而苦寒鄉無師友，年甫十一，東遊於京師，無所遭遇。西歸之後，爲養子于赤馬關永富氏，家君師事于前豐香月牛山翁，修東垣氏之方，余得與聞。年十三，遊於萩府，師事于井上氏。井上氏修丹溪氏之方，余得與聞，又傍學經術於周南先生。年十四，去遊，於江戶，徧參攻時師，而見時醫一顛冥利欲，佞給遷次，取容悅，無益於人之性命，悶然有厭，棄醫方之心。年十七，奉家君之命，西歸於赤關，性狂狷，不爲鄉曲容，去，再遊於萩府，復學于周南先生，益有厭醫心。及歸，開講肆，講六經，有同僚安達某者，歸自京師，見余謂曰：「子醫生而講儒業，無乃害於名分乎？」余曰：「余修醫方之書五年，徧參攻時師，知其無益於人之性命，故將厭棄之。」某者笑曰：「子徒知無益於人之醫，未知有益於人之醫也。」余曰：「有益於人之醫爲誰？」曰：「有香川秀庵、山脇東洋者，皆在于輦轂之下，開門待四方之士久矣，子盍一見諸？」余於是再東入於京師，有同僚栗山文仲者，先在于東洋先生之門下，引余見先生。先生容貌雄偉，神采射人，睨余謂曰：「漢唐以下，數千年，中華無寧謚之曰，割據試舉，可以逞豪傑之爪牙，誰拘拘乎爲方技之徒？宜哉其無離倫之才！幸有長沙氏之書，雖其人不可知，周漢之遺術備存焉。和華今古之醫，莫有知其條理而施之術者，生民死于養榮益氣之說，非一日也。吾子豈冠漢高溲溺之

餘，快於心乎？寧佐吾志，闢二千年來之沈滯乎？唯子之所擇也。夫子貢貨殖，子路負米，何必講書授句，而後爲士乎？學道，志也；行醫，業也。何相妨之有？」其言未畢，余舌舉不下，汗流浹背，生涯之趣向始定焉。乃留學其塾中一年，與聞其道，傍視先生之決死生、摧沈痼，大異平昔之所學，以爲古醫道之妙，至矣，盡矣，天下無不可治之病。其明年，西歸於赤關，又遊於浪華，鄉曲之人，來乞治者，日數十人，待之以所聞於先生汗下之方，巴豆、甘遂、輕粉、烏頭，無所不至，或忽治忽發，或初快後危，或長服無益於病，或經久發其害，於是乎，始知爲醫有開闔離合之機，與雖扁、倉，亦有不可治之病矣。然此時血氣之愆未定，好貨好色，學醫之志不純。汎然過日三年，年二十一，聞前越有奧邨翁者能吐方，與山仲陶同往而見，受其法。翁方面大耳，鬚髮如銀，其爲人厚重不可移。余留學六十日，與翁討論數次，臨將歸，謂余曰：「吾子學東洋氏非一日，其論非不高，其旨非不遠，而高論遠旨，自非聖賢，則遽施之多違。吾子自此以往，歷事多年，志業始習熟而已。」去歸於京師，授所受奧邨翁者於東洋先生，再西歸於赤關，而後汗吐下之三法始備焉。余乃以三法，試諸難治之病三年，而後始知爲醫之難矣。就中遇時不利，窘急具至，一切絕飲博亡賴之交，雉髮浮沈閭里，爲醫之志始一矣。爾後又二三年，能知不可治之病與可治之病。所謂其不可治者，非時醫之所謂不可治者；所謂其可治者，非時醫之所謂可治者也。而又深識所謂古醫道者，非用汗吐下之古方之謂，而在所以不得不用汗吐下之古方之謂焉矣。年二十九，因病離家，漫游將養，西經肥筑，東過藝備，來復客于浪華。其間診沈固滯廢之病，無慮數千人。嗚乎！診病年多，爲技年拙，益知究理易、應事難矣。